

СССР-н Деед Советд

сунъгъвр уктдж

★ ★ ★

Хөөчнрин дөрлдән

КПСС-н XX-ч хургин туу-лжлгч шиидврмүдиг сәәнәр кўцәхин тōлә, оньгьсн 1957 джилд мана „Буратинский“ совхозин хөөчнр болн ўкрчнр ик гидгәр гүдждржд седкл-ухагъан тәвджд кōдлцхәв.

Ах хөөч Манджин Эрднин от-арт дөрвн сарин эргцд нег чигн хōбнә гару уга болв. Эн хөөч хөөгъән өдр бōлгън идгинь сольдж идүлнә, салькта-хур-та асхн болхла хашаднь орулчк-ад—өрлә, өдр ясрхла—сбōднн даньгин гаргъджд идүлнә. Манджин Эрдни эн джилд хōбнәнн тōлинь болн хōбнәс авх ноосинь, йилгъән сән хөөчнрәс ард ўд-дл уга кўцәхин тōлә гүдждржд кōдлдж йовна.

Ах хөөч Буурчин Мандж 26 джилин туршарт хөөч болдж кōдлдж йовна. Дадмг хөөч Мандж танъгъчин мал-гер делгрүлхин тōлә чидлән әрвлл уга, өдр болгън эвинь олад идүләд, цагтнь услал, сәәнәр ўвләс гаргъад тōлинь кўцәравхин тōлә дөрлджд йовна. Хөөчнр Эрднин Анджа, Мутла К. ахта бас сәәнәр хōбдән ўвлзүлджәнә.

Малан ўвләс гару угагъар, таргън-цагхлнъ, цугтагъинь менд авч гархин тōлә декабрь сарин нег шинд совхозин дөр-вн фермс хоорнд дөрлдән кегдлә. Эн дөрлдәнә түрүн сарднь 13 хөөчнр хәләсн хōбдән гару

угагъар, сән диилвртәгъәр хәләцхәв. Эднлә әдл шунджд кōдлдг хөөчнр, ўкрчнр мана совхозд бас чигн дала. Цуггәр дөрлдәнд орлцдж, ўзмджтә сәәнәр малан ўвлзүлх партин болн правительствин, цуг дел-кәд ни-тōвкнүн бәәдл батлхи туск дуудврт ил ўүлдври хәрү өгх нег ухата-седклтә гъәр кōдлцхәнә.

Мал хәләдг улсин кōдлмш уунәс чигн сән болх билә, болв танъгъчин потребсоюз кўч-кōлсчирин тускар, эдниг теткхин тускар мел юм ухал-хш, келхд тәмк, савнъ, тосн шикр йир хәтәр ирнә. Ўвлин дулан хувцн лавкд мел ирхш. Хар газрт бәәдг хөөчнриг сәәнәр теткчкәд, эврәнн газрт бәәсн улсд оньган өгхш, эн йовдл манагъар болхла ик хәдждгър.

КПСС-н балгъсна комитет гүүлгәнә организацсин кōдл-мшиг шүүджд, хөөч улсиг хот-хоолар болн дулан хувц-хун-рар теткх кергтә.

Совхозин кōдлмшчнр, мар-тин 16-д болх СССР-н Деед Советд сунъгъвр кехд нерәджд дөрлджд, мал ўвлзүллгъинг бурдәмджтә сәәнәр кедж, ма-лин тōл авлгънд кўтц белнәр ирхәр гүдждржд бәәцхәнә.

МУКАН З.
Буратинск совхозин эклц партийн
организацин сегләтр.